

اوسات گوربوتو گوربوتو

هفته لقی سیاسی ، ادبی ، علمی غزته در

جلد : ۳

سنه : ۲ ۸ رجب ۱۳۳۶ جمعه ایرتسی ۲۰ نيسان ۱۹۱۸ نومرو ۳۳ — ۶۴

اجمال افکار

اکرم ایستنه ، باضورد پیلسه ایدی ...

« زمان » غزته سی سر محرر موقری شگری بک افندی به

بوکون ، پر خلوص ، پر عزم و ارادت بر حکومت مقدرات عثمانیه به نکهباندر . بونکاه برابر مطیه فکرت ، سیر و سفرنده مشکلاته اوغرییور . یالیا ایدیورز . نهدن ، نیچون ؟ شو استفاملره اجوبه مقنعه تدارک ایتک مقصدیه ادوار آفایه ، وشیمدیلک ، هیچ اولمازسه ، جتتمکان سلطان عبدالحمید خان ثانینک عهد سلطنتنه طوغری بر سیاحت ذهنیه ده بولونه لی یز .

کچن عهد سلطنتده علم و معارف حقیقه تعمیم ایدلک ایسته نلسه ایدی ، ممکن اولوردی . نته کیم ، خاقان سابقک عصر حکومتده مکتب طیه بردور نوینه کیردی . (حیدرپاشا) ده مهیکل و مشکل بر عرفانسرای انشا ایدلدی . مکتب حقوق ، مکتب ملکیه ودها سائر ایریلی ، اوفقلی مکاتب تأسس ایتدی . دارالفنونک بیه تملی او قرنده آتلدی . اکر اوزمان ، نسی واضافی بر سر بستی دائره سنده دارالفنون تنسیق ایدلسه ، معارفه دها فضله اهمیت ویرلسه ایدی ، بوکون ، بردانشوران اردوسنه مالک اوله جقدق . مطیه فکر تمز یالیا لامیه جقدی ، دها فضله منور انمز بولونه جقدی . بوکا شک و شههم یوقدر .

قوم عربده قبل الاسلام و بعد الاسلام

نسوان

دین مبینک حقایقیه اساسات تاریخیه سنه لایقیه واقف اولیان بعض غربیونجه ، طائفه نسانک شریعت غرای محمدیه نظرندده هیچ بر موقعی اولمایوب عادتا براسیر کبی ذلیل و محقر بولوندیغی ذهابی حاصل اولمش و بو خصوص آره صیره عالم مطبوعاتده انتقال ایلمکده بولنمش اولماسنه بناء بوبابده کی ایضاحاتک عرضنه مجبوریتم حاصل اولمشدر . شویله که : اولاشان اسلامیتی بومثللو اسنادات ایله استخفاف ایتمک ایسته یئرک هرشیدن اول بوبابده کی ادعای ایچون بر زمان تعیین ایتملی لازمدر . چونکه طائفه نسانک قوم عرب نزدنده موقعی بری قبل الاسلام و دیکری بعدالاسلام اولقی اوزره ایکی مهم صفحه یه آیرلمقده در . قبل الاسلام موقعلی اگرچه بیان اولندیغندن دهها زیاده دون و حقیر ایدیسده دین مبینک بینالعرب ظهوریله خاقی طریق هدایتیه سوجه موفق اولسی اوزرینه بومظالم برطرف وازاله ایدیلرک آنک برینه عدالت و حسن معامله قائم اولمشدر . هر بری بررحمت مبعوله نقلیه و عقلییه مستند بولنان بعض خصوصات استثنائیهدن ماعدا طائفه نسانک حقوقی مع زیاده تأمین اولنهرق حریت و مساوات کاملایه مظهر اولمشدر .

مثلاً : قوم عرب ، قبل الاسلام آج قالمق و ناموسنی تهدید ایده جک بعض احواله معروض قالمق کبی ملاحظاته بناء قیزلرینی دیری دیری دفن و قتل ایتمک عادتلری مقتضاسندن ایکن ، اسلامیت « ولاتقتلوا اولادکم خشیه املاق نحن نرزقکم و ایاهم [۱] » امر ربانیسیله اشنع جرائم اولان بو فجیعه متوالیه یه نهایت ویرمشدر .

ینه زمان جاهلیتده برآدمک قیز اولاده مالک اولسی علائم شئمدن عد اولندیغی حالده اسلامیت « و اذا بشر احدهم بالاتی ظل وجهه مسودا وهو کظیم [۲] » آیت کریمه سیله قوم عربی بو حاللرندن طولانی تمیب ایلمشدر .

ینه زمان جاهلیتده زوجی وفات ایتمش اولان بر قادینک عدت مرعیه سی تام برسنه دن عبارت اولقله برابر عدت مذکورده ایچنده بیقائمق ، صاحب لرینی ، ترامق ، البسه سی دکشدیرمک ، رواج طیبیه استعمال ایتمک کبی خصوصاتدن منع اولنهرق بو صورتله عدتی منقضی اولدقدن و برقوشله محل طهارتی بعدالمسح عادتلری وجهه ایله برمرکه ترس اوله رق بیدیریلوب ایندیرلدکن صکره خصوصات ممنوعه مذکورده تک اجراسنه آنجق مساعده اولندیغی حالده اسلامیت « والذین یتوفون و ینزون ازواجاً

[۱] اولادکزی آج قالمق قورقوسی و ناموسنه نقیصه کتیرمک ملاحظه سیله قتل ایتمه یکر . بزسزی و آنلری مرزوق قیلارز .

[۲] ایچلرندن بریسی دنیا یه برقزی کلدیگی کنیوسنه تبشیر اولندیغی زمان کدرندن وقومنه قارشق کال حجابندن یوزی قراروب زوجه سنه حدت ایتمک باشلاردی .

یتریضن بآنفسهن اربعة اشهر وعشراً « [۱] آیت کریمه سیاه عدت مذ کوره بی معقول برشکه افراغ
المشدر، شو قدر که زوجه نک زوج متوفاسنه بر حرمت مخصوصه اثری اولق اوزره مدت مذ کوره ایچنده
کوزرینه مسورمه چکمنه ، و روایح طیبه استعمال اتمه سنه و احتیاجه مبتنی اولیه رق خانه سندن
طیشاری چیقمه سنه مساعده اولتامشدر.

ینه زمان جاهلیتده ظهاره قائل اولان برزوج ، زوجه سی ابدیاً کندیسنه حرام و اولاده مالک
ایسدر او بیچاره لکده استقبالی پدرلرینک بو خطاسی یوزندن فلا کته طیانیدی ودها بر طاقم تلافیسی
غیر قابل بر ضرری استلزام ایلدیکی حلاله اسلامیت « والذین یظاهرون من نساءکم ثم یعودون لما قالوا
فتحریر رقبه من قبل ان یتاموا الخ » [۲] آیت جلیله سیاه بو مصیبتکده کفارتله ازاله و تخفیفی
چاره سی تأمین اتمشدر .

ینه زمان جاهلیتده برکیمسه وفات ای دوبده زوجه سی ترک ایده جک اولورسه یا اوغلی یا خود آنک
اعضاسندن بریسی او قادینک اوزرینه البسه سی آتمق کبی بر علامت استعمال ایدرسه ولایت خصوصنده
او آدم او قادینه غیردن ده احق عد ای دیلوب ایسترسه صدق مقابنده و ایسترسه بلا صدق آنی تزویج
ایده بیلیمک صلاحیتی صرف او شخصه منحصر ایکن اسلامیت « یا ایها الذین آمنوا لا یحل لکم ان
ترثوا النساء کرهاً » امر المهدی سیاه بو ظالمده نهایت ویرمشدر. [۳]

ینه زمان جاهلیتده طائفه نسا حقوق ارثیه دن صورت قطعیده محروم اولدقلری حلاله اسلامیت
« للرجال نصیب مما ترک الوالدان والاقربون وللنساء نصیب مما ترک الوالدان والاقربون مما قل منه او کثر
نصیباً مفروضاً » [۴] آیت کریمه سیاه آنلرکده ارثدن ذکور کبی حصه مقدره لری اولدیغنی امر
ایتمشدر . والحاصل اسلامیت دور جاهلیتده نسا حقنده روا کورلمش اولان ذها یک چوق بو مثالو
مظالمی منع ایله یز لرینه عدل واحسان قوانینی اقامه اتمشدر .

تفصیلات مبسوطیه ببناء نسائک احکام اسلامیه نظر نده موقعی یوقدر سوزی وجوه ایله سردوددر .
اسلامیت دیه بیایرم که رجالدن زیاده نسیاه موقع ویرمشدر ، تدقیق بیورلسون . آیات قرآنیه نک
تفاسیر یله احادیث سنیه یه طأد روایاتک قسم مهمی نسوان مهاجرین وانصاره نسبت ایلمکده اولدیغنی
کبی دین عالییه عائد احکامک نصفتدن زیاده سی ده حضرت طایفه نک طریق روایتیه بزه واصل اولمشدر .

[۱] سزدن او کیمسه لکه وفات ای دوب زوجه ترک ایدرلر او زوجه لک کندیلرینی زینتدن محروم
براقق صورتیه بالنفس دوت ماه اون کون عدت بکله مه سی لازمدر .

[۲] سزدن او کیمسه لکه بر طاقم مناسبتن سوزلرک ایرادی صورتیه زوجه لری حقنده ظهاره
قائل و بالآخره اوسوزلرندن رجوع ایله اظهار ندامت و زوجه لره تکرار عودت ایتک ایستلر او

کیمسه لک زوجه لینه تقرب ایتزدن اول بر قول آزاد ایتلری اقتضا ایدر . ظهار عند العرب طلاقه
محول بر لفظدر . زوج زوجه سنک آرقه سی و سائر مستور بر عضوینی آناسنک عضوینه تشبیه ایتسیدر .
[۳] ای او کیمسه لکه جناب حق ایله رسول ذیشاننه ایمان ایتشدر . مورت و اقاربکزک قادینلرینک

نکاح لرینه وراثت اداسنده بولمق و آنلری جبراً و کرهاً تزویجه قالمشقی سزه حلال دکلدر .
[۴] ابوینک و اقربانک متروکاتنده ارکک و قادین ایچون نصیب و حصه وارددر . اموال متروکه

آزچوق نهدن عبارت ایسه فرض و تقدیر اولندیغنی صورتده تقسیم اولنور .

بالعموم احکام التہیئہ رجال ایله نسا مشترکاً و متساویاً مخاطب اولدقلری حالده فضلہ اوله رق نسیاہ مخصوص برطاقم احکام مستقلہده تخصیص و تعیین بیورلشدیر، احکام شرعیہ تک نصفدن زیادہ سنی مشارالہا ایله نسوان مذکورہ تک روایتلرینه اعتماداً تطبیق ایتمش وازواج طامرات نبویہ تک فضلاً اصحاب کرامدن مقدم اولدقلرینه قائل اولمش اولان بر دین طالیده نسانک موقعی یوقدر دینه بیلیرمی ؟ « ولهن مثل الذی علیهن بالمعروف » [١] « انی لا اضیع عمل عامل من ذکر او انشی » [٢] فرمان التہیئنی احتوا ایدن بر دین حقندہ نسا حقندہ مساواتہ رعایت ایتمه مشدر سوزی وازد اوله بیلیرمی ؟ « خب الی الطیب والنساء وجهت قرۃ عینی فی الصلواۃ » [٣] حدیث شریفندہ بیان بیورلدیغی وجه ایله حضرت پیغمبرک شرف محبتنه مظهریت کبی برسمادت ابدیہ فی احراز ایتمش اولان بوجنس لطیفک اسلامیتده موقعی اولماسی قابلیدر ؟ کرچه « الرجال قوامون علی النساء بما فضل الله بعضهم علی بعض وبما انفقوا من اموالهم » آیتله دها برقاچ مواضع قرآنیہده رجالک نسا اوزرینه تفضیلی جهتہ کیدلمش ایسهده وجوه فضیلت عد ایدلمش اولان شیر جهاد، امامت، انفاق و اعاشه ایله امر مکلفیت و سائرہ کبی هر بری بر حکمت مخصوصه عقلیه به مستند اولان خصوصاتدن عبارتدر .

حقیقتک بر درجه به قدر توضح ایتمش اولسی امیدندہ بولندیغ اچون امامت، تعدد زوجات، طلاق، شهادت، ارث، تستر مسائلی کبی مساوات و عدالتہ مخالف عد ایدیلن خصوصات استثنائیہدن یح ایتک ایسترم .

صیدری زاده ابراهیم

دواز فوطوغراف

محترم قارئلرم : کلیمکز بوکون سزکله ماضینک اونودلمش یرلرنده براز طولاشهلم، روحزده کیزلی تأثیرینی بر اقان اسکی، آفل سیالری زیارت ایدمهلم . دائماً محرم قالمسنی ارزو ایدمه جککز کنجکک خاطرانی قاریشدر بیورم، بنی عفوایدیکز، مقصدم طبیعی سزلی متأثر ایتک دکلدن، فوطوغرافک یکی مهم بر تطبیقاتی واضحاً اکلته بیلیمک اچون، سزلی کچمش زمانلره مراجعت ایتدیرمکدن بشقه چاره بوله مدم .

سنه لک بدیمی ذوقکزده اجرا ایتدیکی تعدیلات قارشیسندہ محبوب قالمق قورقوسی سزلی او صحیفه لره ال سورمکدن اجتناب ایتدیرمسون . اونلر بوکونکی بئلککزدن بتون بتون بشقه، تجربه سز

[١] حقوق زوجیتده رجالک نسا اوزرندہ حقوق اولدیغی کبی نسانکده رجال اوزرندہ متقابلاً حقوق وارددر .

[٢] اچیکزدن ذکر و اناندن هیچ برینک ایشله مش اولدیغی عملی ضایع ایتهم . ثواب و عقابده رجال و نسا کز مساویدر .

[٣] خوش قوقولرله قادنلر بکا سه و عملی اولق اوزره یارادلمشدر . کوزمک ایشینی نمازده در .